

REFERAT SAA- Sanarfinermut Avatangiisinullu Ataatsimiititaq d. 13-06-2017

Mødedato Tirsdag d. 13. juni 2017 kl. 13:00

Mødested Kommunalbestyrelsip ataatsimiittarfia

Indholdsfortegnelse

Saqqummiineq.....	3
Saqqaa.....	4
Oqaluuserisassat akuerineqarnerat.....	5
Nalunaarutit.....	6
Ilisimatitsissutit.....	7
Aalajangiiffigisassat.....	8
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu i	9
Kiffartuussinissamut isumaqatigiissutit pillugit Naalakkersuisut tusarniaassutaat.....	10
Kommunimut pilersaarummut tapiliussatut siunnersuut 4A8-1, Ningitsivik, Qinngorput.....	15
Kommunimut pilersaarummut tapiliussaq 3A6-1, Qasigiannugit, Nuuk.....	19
VISKA, horses & rooms.....	23
Kommunip inissiaataanik attartortittakkanik tuniniaaneq.....	27
Taasariaqartut allat.....	30
Suliat matoqqasut.....	31
Lukket.....	32
Lukket.....	33
Lukket.....	34
Lukket.....	35
Imaqarniliap akuerineqarnera.....	36

Punkt SAMMISAQ: Saqqummiineq

<p>Ataatsimiinneq pissaaq Miljøcenterimi. Kommuunip allaffiata eqqaani bussinik aatissaagut nal. 08. 30.</p>

<p>09.00-10.30 Sammisaniq saqqummiineq</p> <p>09.00: punkt 07A "Qullilerfik" pillugu</p>

<p>09.45: punkt & 07B "Salliarnani" pillugu</p> <p>10.30- 13.00: Sanarfinermut

Avatangiisinullu Ataatsimiititami ataatsimiinneq, ullup qeqqasiornertalik</p> <p> </p>

Punkt 0: Saqqaa

Ilaasortat
Malene Lyng (IA), siulittaasoq
Justus Hansen (D)
Harald Bianco (IA)
Mala Høi-Ko (A)
Laura Tønne; jik (S)

Punkt 1: Oqaluserisassat akuerineqarnerat

Beslutning

Oqaluserisassat akuerineqarput.

Punkt 2: Nalunaarutit

<p>2A Siulittaasumit</p> <p>2B Ingerlatsivimmit</p>

Beslutning

2A. Siulittaasumit

Ingerlatsivimmi pisortaq Ataatsimiititamilu siulittaasoq ataatsimeeqatigiittarnissatik aallarereerpaat mannaluk tikillugu ataatsimiititap suliassai pingaarnert eqqartorneqarsimalereerput. Piffissami tullinnguuttumi suleqatigiilluarnissaq aallartilluartut taaneqarsinnaavoq.

Innuttasunik sullissinermi suliassat annerpaat ilagaat nunaminertanik atugassiinermut qinnuteqatinik suliaqarneq, atuarfiit (annerusumik Nuummi) issusai aammalu illoqarfinni illoqarfimmik inerisaaneq taakkartorneqarput.

Ataatsimiititami siulittaasoq innuttaasunik arlalinnit saaffigineqartarsimavoq, ass. Nuussuarmi kalaalaraq pillugu saaffiginnissutit suleriuseq malillugu ingerlatsivimmut ingerlanneqartartut siulittaasup paasissutissiissutigaa.

2B. Ingerlatsivimmit

Ingerlatsivimmi sulisussaaleqineq malunniutaavoq aammalu paasissutissiissutiginqarpoq qinnuteqartartut ikimmata.

Kangillinnguani salisitsinissaq pillugu Namminersorlutik Oqartussat Illersuisoqarfillu isumaqatiginninniarnaq ingerlavoq. Naalakkersuisut salisitsinissaq pillugu tusagassiutikkut tusagassiissasut nalunaarutigineqarpoq.

Punkt 3: Ilisimatitsissutit

<p>Soqanngilaq.</p>

Punkt 4: Aalajangiiffigisassat

<p>Soqanngilaq.</p>

**Punkt 5: Suliat Aningaasaqarnermut Inuussutissaqarnermullu
Ataatsimiititamut Kommunalbestyrelsimullu ingerlateqqitassat**

Punkt 05A: Kiffartuussinissamut isumaqatigiissutit pillugit Naalakkersuisut tusarniaassutaat

Beslutning

Inassuteqaat akuerineqarpoq, imatut oqaasertalerlugu:

Kiffartuussinissamut isumaqatigiissut nutaaq atuutilermat ilaasut kiffartuunneqarnerisa ajorseriaateqarnerat ataatsimiititap erseqqissaatigerusuppaa.

Ataatsimut eqqarsaatigalugu kiffartuunneqarneq ernumanartoqartinneqarpoq, aammalu Akureyrimi tuluttut kiffartuunneqarneq immikkut eqqaaneqarpoq, minnerunngitsumillu illoqarfiup tikikkuminaannera tikinneqarsinnaannginneralu, ass. pitsorluttut eqqarsaatigalugit.

Attaveqaatit ajorseriaateqarneri akitsuinerneq kinguneqartut eqqarsaatigalugit, ataatsimiititaq isumaqarportaaq tamat oqartussaaqataanerit aamma innarlerneqartoq, aammalu tamat oqartussaaqataanerisa annertusarneqarnissaa nunatsinnilu kommunit anginersaanni suleqatigiissitsinissaq Kommunalbestyrelsimut ajornarnerulersimasoq.

Bilag

170310 h ringssvar p  status p  servicekontrakter for passagerbefordring KAL.docx

H ring vedr status Serv for pass beford KomSer GRL DK.pdf

Kiffartuussinissamut isumaqatigiissutit pillugit Naalackersuisut tusarniaassutaat

Aalajangiiffigisassaq

J.nr.: 10.26

Sanarfinermut Avatangiisinullu Ingerlatsivik – pisortaq Mike Jakob Kristiansen /MJKR

Suliassamik eqikkaaneq

Ilaasunik angallassineq pillugu kiffartuussinissamut isumaqatigiissutit nutaat naliliiviginissaannut atugassamik Kommuninut, Nunaqarfinnut Isorliunerusunut, Attaveqaqatigiinnermut Ineqarnermullu Naalackersuisoqarfimmit 22. februaari 2017-imi tusarniaassut nassiunneqarpoq. Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoqarfimmit kissaatigineqartoq naapertorlugu apeqqutit sisamat tusarniaanermi akissuteqarfigeqquneqarput.

Tusarniaassummut akissuteqarfissatut piffissaliunneqarpoq ulloq 10. marsi 2017 tusarniaanerullu nalaani tusarniaassummut akissuteqarnissap politikikkut oqaluuserineqarnissaa periarfissaanngimmat, Ingerlatsivik allaffissornikkut akissuteqaasiorpoq. Tunumi timmisartuussisarnerit allanngorneri eqqarsaatigalugit periarfissat ernummatigisallu tusarniaassummut akissuteqaammi eqqaaneqarput. Sullissisunik oqaloqatiginninnissamut siunnersuutit sukumiisut Naalackersuisoqarfimmit piumaneqarput tamatumani Kommuneqarfik Sermersuumit immikkoortut marluk taaneqarput: Ilaasunut aningaasartuutit matussusernissaannut akisussaasunik kiisalu sumiiffiit pingasut aqqusaarlugit timmisartuussinissamut periarfissanik erseqqissaaneq.

Tusarniaassummut akissuteqaammut nassuiaatip saniatigut, ataatsimiititamut ilaasortanut ilisimatitsissutitut suliap ingerlanneqarneranut tunuliaqutitut paasisimasat suliassamik saqqummiussami nassuiaatigineqarput.

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititaliamut inassuteqaatigineqarpoq:

- Tusarniaassummut akissuteqaat Ataatsimiititamit akuersissutigineqassasoq suliarlu tusaatissatut tiguneqassasoq
- Suliaq akuersissutigisassanngorlugu Aningaasaqarnermut Inuussutissarsiornermullu Ataatsimiititamut ingerlateqqinneqassasoq

Suliassamik saqqummiussineq

Ilaasunik angallassineq pillugu kiffartuussinissamut isumaqatigiissutit nutaat naliliiviginissaannut atugassamik Kommuninut, Nunaqarfinnut Isorliunerusunut, Attaveqaqatigiinnermut Ineqarnermullu Naalackersuisoqarfimmit 22. februaari 2017-imi tusarniaassut nassiunneqarpoq. Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoqarfimmit kissaatigineqartoq naapertorlugu apeqqutit sisamat tusarniaassummi akissuteqarfigeqquneqarput. Tusarniaassummut akissuteqarfissatut piffissaliunneqarpoq ulloq 10. marsi 2017 tusarniaanerullu nalaani tusarniaassummut akissuteqarnissap politikikkut oqaluuserineqarnissaa periarfissaanngimmat, Ingerlatsivik allaffissornikkut akissuteqaasiorpoq.

Angallassinermi suliat pillugit kiffartuussinissamut isumaqatigiissutit nutaat Namminersorlutik Oqartussanit 13. septembari 2016-imi tamanut saqqummiunneqarput tamatumalu kingorna kiffartuussinissamut isumaqatigiissutit nutaat kingunerisassai allaffeqarfimmit paasiniarneqarlutik. Kiffartuussinissamut isumaqatigiissutini annikittualuit arlaqartut ersarissarneqarsimangillat –

aamma timmisartuussisussanut. Suliap ingerlanneqarnerani Naalakkersuisoqarfik timmisartuussisartullu Borgmesterimit allaffeqarfimillu qanimut ataavartumillu oqaloqatigineqartarput. Naalakkersuisoqarfimmit apeqqutigineqartut tusarniaassummi akissutigineqarput, suliassamillu saqqummiussakkut Sanarfinermut Avatangiisinullu Ataatsimiititamut saqqummiussinermi tunuliaqutatut paasisimasaanerullutik.

Kiffartuussinissamut isumaqatigiissutip kingunerisassai ataatigut nassuiaatigineqassapput tamatumalu kingorna tusarniaassummut akissutip eqikkarneqarnera ingerlatinneqassalluni.

Kiffartuussinissamut isumaqatigiissutip kingunerisassai

Kiffartuussinissamut isumaqatigiissutit nutaat kingunerisassaat allaffeqarfimmit misissoqqissaarneqarput aammalu Kommuneqarfik Sermersuumi innuttaasunut qanoq sunniuteqassanersut misissoqqissaarneqarlutik. Annerusumik Ittoqqortoormiunut kiffartuussinissamut isumaqatigiissut allannguuteqarpoq, allannguulli taanna Kulusummut timmisartuussisarnermut sunniuteqarpoq.

Tasiilaq nunaqarfiilu: Kulusummiit Tasiilamut nunaqarfiinullu kiffartuussinermut isumaqatigiissut malillugu angalasoqartarpoq. Tamanna pisarnertut ingerlaannassaaq.

Arsuk: Kiffartuussinissamut isumaqatigiissutitigut Nunatta Kujataanut ilaavoq. Nunatta Kujataani Disko Line nutaatut angallassisuuvoq.

Nuummi nunaqarfiit: Kapisilinnut Qeqertarsuatsiaanullu tunngatillugu Disko Line nutaatut angallassisuuvoq.

Paamiut: Angallassisoq suli taannaavoq (Air Greenland).

Sarfaq Ittuk taamatut ingerlaannassaaq.

Kulusuup aamma Nuup/Reykjavikip akornanni angallassisarneq niuernermik tunngaveqarpoq taavalu Air Greenland naapertorlugu Nerlerit Inaannut angalasarneq kiffartuussinissamut isumaqatigiissummi annaaneqarluni, ilaasut ikinnerulerlutik, taamaalillunilu Kulusummut angallassineq 25 %-imik niuernikkut tunngaveqartoq annikillineqarluni. Tamanna kiffartuussinissamut isumaqatigiissutip avataaniippoq, kisiannili kiffartuussinissamut isumaqatigiissummit sunnerneqarluni.

Tunu tamaat eqqarsaatigalugu (Ittoqqortoormiit kiisalu Tasiilaq nunaqarfiilu) timmisartuussisarnerup allanngornerinut attuumassuteqartunut ernumassutissaqarlunilu periarfissaqarpoq. Timmisartuussisarnerit ikilineqarnerat pissutaalluni Ittoqqortoormiit aamma Tasiilap nunaqarfiisalu Nunatta Kitaanit attaveqarnerat annikilligaluttuinnarsinnaavoq. Peqataanilli takornariaqarnikkut ineriartortitsinissamut periarfissaqarluarpoq, ilaatigut pissutigalugu Islandimit aqputit ajornaannerulissammata ilaatigullu pissutigalugu Nerlerit Inaata, Akureyrip (immaqalu Reykjavik) aamma Kulusuup akornanni sumiiffiit pingasut aqqusaarlugit timmisartuussisarinnikkut nunap immikkoortua takornariarfittut ineriartortinneqarsinnaalluni.

Ittoqqortoormiit

Ittoqqortoormiunut tunngatillugu allannguutit imaassapput:

- Nerlerit Inaata Ittoqqortoormiillu akornanni angallassinert 1/1-2017 aallarnerfigalugu Islandimiut timmisartuutileqatigiiffianit Norlandair-imit ingerlanneqassapput, taavalu Nerlerit Inaanut attavik Air Greenlandimit ingerlanneqaannassalluni.
- Nuup Ittoqqortoormiillu akornanni angalanaraanni angallatit sisamat atortariaqarput. Taamaallilluni siornatigumut sanilliullugu angallannerit ataatsimik ilaneqarput.
- Nuummiit Ittoqqortoormiitut angalanermi minnerpaamik ataasiarluni unnuisoqartassaaq, tamannalu angalanermut akimut ilanngullugu naatsorsorneqartariaqarpoq - taakku aningaasartuutaanerusarput minnerpaamik 900 koruuninik unnuinnarmut ataatsimut nerisat ilanngullugit, tassa Akureyri-mi (periarfissaq akikinnerpaaq) unnuinissamut periarfissaqaraanni. Aningaasartuutit ilaasussat ataasiakkaat namminneq akiligassaat.
- Angalaneq ingerlatsisunit pingasunit assigiinngitsunit isumagineqartarpoq. Tassa imaappoq, bilitsinik immikkut pingasunik ataqatigiinngitsunillu pisisoqartariaqartoq. Tamanna bilitsinik inniminniinermut ajornartorsiutaangaatsiartarpoq, paatsiveerunnartarlunilu kiffartuussinermut ajorseriaataasartoq.
- Silarlutsillugu ingerlatsisut pingasut immikkut inatsisitigut ilaasut pisinnaatitaaffiinik isumaginninnermut, namminnerlu angallassinerminnik unitsitsinermut atatillugu aningaasartuutaanerusunik, tassa bilitsit immikkoortuummata, akisussaasuusarput. Tassa imaappoq, angalanissaq ataaseq unitsinneqarpat, timmisartornissat sinnerinut pingasunut ilaasoq aningaasanik annaasaqarsinnaavoq.
- Ilaasut Islandimi unittuussagunik, taamaattumillu unnuinissat amerlillutit, taamaatitsinermut atatillugu ilaasussat namminneq akiligassarilissavaat, Nuummiit Nerlerit Inaanut angallassineq minnerpaamik ingerlatsisunit assigiinngitsunit marlunnit isumagineqartussaammat, assigiinngitsunik malittarisassanik malinnittussaataasunit (EU-mi malittarisassat aamma Kalaallit Nunaanni inatsisit malillugit).
- Kinguaattoorneq Norlandairimi sulinerup kinguaattoorneranik peqquteqarpat, ilaasullu Akureyrimi imaluunniit Nerlerit Inaanni kinguaattoorpata, nerisaqarnermut aningaasartuutit Nordlandairimit pisussaaffigineqassapput. Aammattaaq Air Greenland Ittoqqortoormiit Nerlerillu Inaata akornanni timmisartuussinermi kinguaattoorunik, unnuiffissanik nerisaqarnernillu neqeroornissaq pisussaaffigaat.

Aaqqiissutissatut siunnersuut – suliatigut naliliineq

Tunumi timmisartuussisarnerit allanngorneri eqqarsaatigalugit periarfissat ernummatigisallu tusarniaassummut akissuteqaammi eqqaaneqarput. Akisunerulerpoq - aningaasatigut piffissarlu eqqarsaatigalugu kangiani innuttaasunut ilaquttanik attaveqaqateqarneq attatiinnarniarlugu. Peqataanilli allaaserineqartut timmisartuussinerni nutaani takornariaqarnikkut periarfissaqarluarpoq.

Timmisartuussisartut suleriaqqinnermi oqaloqatiginissaannut sukumiisumik siunnersuuteqartoqarnissaa Naalakkersuisoqarfimmit noqqaassutigineqarpoq matumanilu Kommuneqarfik Sermersuumit makku taakkartorneqarput:

- Ilaasut aningaasartuutaannik matussusiinissamut akisussaaffeqarnermik qulaajaaneq.
- Sumiiffiit pingasut aqqusaarlugit timmisartuussinissamut periarfissaq

Aningaasaqarnikkut sulisoqarnikkullu naliliinerit

Tusarniaassummut akissuteqarnermi kommunip aningaasaqarneranut toqqaannartumik kinguneqassanngilaq.

Inatsisitigut tunngavissaq allakkallu tunngaviusumik uppemarsaatitallit

Soqanngilaq

Ingerlariaqqinnissaq

Tusarniaanermut akissuteqaat nassiunneqarpoq. Inatsisissatut siunnersuut politikikkut oqaluuserineqassappat tusarniaassummullu akissuteqaat allannguutitaqartunik nutaanik oqaaseqaatitaqassappat, taakku Kommunitut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoqarfimmut nassiunneqarumaarput.

Suliaq Aningaasaqarnermut Inuussutissarsiornermullu Ataatsimiititamut ilisimatitsissutitut nassiunneqassaaq. Timmisartut taamaatiinnarnerini, Qeqertarsuatsiaani ilaasunut isumannaatsuunissaq kiisalu Tunumi sumiiffiit pingasut aqqusaarlugit timmisartuussinissanut ilaasut pisinnaatitaaffisa ersarissarneqarnissaat pillugit, Namminersorlutik Oqartussanik oqaloqateqarneq allaffeqarfimmit ingerlatiinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqanngilaq, kisiannili Kommuneqarfik Sermersuup naalackersuisoqarfik kommuunip innuttaasui pillugit oqaloqateqartuarnissaat kissaatigineqarpoq.

Innuttaasunik peqataatitsineq/attaveqaqatigiinneq

Ittoqqortoormiini mittarfissaq pillugu suleqatigiissitaq ataavartumik oqaloqatigineqartarpoq. Juulli sioqqullugu Ittoqqortoormiini innuttaasunut paasissutissanik nassiussuisoqarpoq.

Oqaaseqaatigineqartut allat

Soqanngilaq

Ilanngussaq

1. Tusarniaanermi akissutit
2. Ilaasunik angallassineq pillugu kiffartuussinissamut isumaqatigiissutit nutaat pillugit Kommuneqarfik Sermersuumut tusarniaaneq KAL DK

Punkt 05B: Kommunimut pilersaarummut tapiliussatut siunnersuut 4A8-1, Ningitsivik, Qinngorput

Beslutning

Inassuteqaatit akuerineqarput.

Bilag

FORSLAG_kommuneplantillæg 4A8_m_bilag_KAL.PDF

Kommunimut pilersaarummut tapiliussatut siunnersuut 4A8-1, Ningitsivik, Qinngorput

Aalajangiiffigisassaq

J.nr.: 16.03.01.01-P16-1-17

Sanarfinermut Avatangiisinullu Ingerlatsivik – pisortaq Mike Jakob Kristiansen / mjkr

Suliassamik eqikkaaneq

Kommunimut pilersaarummut tapiliussami Qinngutsinni inissianik nutaanik 100-nik sanaartortoqarsinnaalernissaa siunertarineqarpoq.

Sanaartorfissat siunnersuummi ilaqutariinnut ataatsinut illut, affarleriinnut uiguleriiaanullu inissianut nammineerluni pigisatut piginneqatigiillunilu inissianut atugassanngortinneqassapput, ingerlatsivik illut taamaattunut tunngasunik ujartuisunik saaffigineqartuartarsimavoq. Kommunimut pilersaarummut tapiliussami aamma siunertaavoq, sanaartukkat nutaat aamma inissiaqarfimmik ineriartortitsineq sumiiffiup nunataa eqqumaffigalugu pissasut. Tamatuma sanitigut inissiaqarfik nutaaq sissakkut aqqusineeqqat tungaanut aqquteqarnissaa siunnersuummi qulakkeerniarneqarpoq.

Inassuteqaatit

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussatut siunnersuut 4A8-1, Ningitsivik, Qinngorput akuersissutigineqassasoq
- Siunnersuut akuersissutigisaaq sap.ak. arfineq pingasuni tamanut tusarniutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq
- suliaq tamatuma kingorna ilisimatitsissutitut Kommunalbestyrelsimut Aningaasaqarnermut Inuussutissarsiornermullu Ataatsimiititamit ingerlateqqinneqassasoq

Suliassamik saqqummiussineq

Kommunimut pilersaarummut tapiliussami Qinngutsinni inissianik nutaanik 100-nik sanaartortoqarsinnaalernissaa siunertarineqarpoq.

Sanaartorfissat siunnersuummi ilaqutariinnut ataatsinut illut, affarleriinnut uiguleriiaanullu inissianut nammineerluni pigisatut piginneqatigiillunilu inissianut atugassanngortinneqassapput, ingerlatsivik illut taamaattunut tunngasunik ujartuisunik saaffigineqartuartarsimavoq. Kommunimut pilersaarummut tapiliussami aamma siunertaavoq, sanaartukkat nutaat aamma inissiaqarfimmik ineriartortitsineq sumiiffiup nunataa eqqumaffigalugu pissasut. Tamatuma sanitigut inissiaqarfik nutaaq sissakkut aqqusineeqqat tungaanut aqquteqarnissaa siunnersuummi qulakkeerniarneqarpoq.

Nuummi innuttaasut ukiuni aggersuni amerleriarnissaat naatsorsuutigineqarpoq, taamaattumik pitsaasunik tamatigoortunillu nutaanik inissiaqarfiliornissaaq inissaqarnissamullu periarfissaqarnissaaq pisariaqarput. Peqatigitillugu ilaqutariinnut ataatsinut aamma piginneqatigiilluni inissiat piumaneqartuupput.

Kommunimut pilersaarummut tapiliussap matuma ilaatigut ilaqutariinnut ataatsinut illut, affarleriit uiguleriillu periarfissaatissavai. Aammattaaq inissiaqarfik nutaaq kommunip illuliortaatsimut politikkia tassa illoqarfimmi illuliortaaseq, nunataa sukisaarsaarfissatullu periarfissat naapertorlugit suliarineqassaaq.

Sumiiffik pilersaaruteqarfiusoq marlunnik illoqannginnersaqarfeqassaaq, sumiiffillu napillugu sanaartorfioqqusaanngitsumik peqassalluni. Illoqannginnersani sissakkut aqqusineeqqamut atasumik sukisaarsarfiusinnaasumik aqqusineeraqassaaq kiisalu immikkuualuttup ilaanut 4A6-imut aqqutissaqassalluni.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup nalilerpaa, siunnersuut kommunip illuliortaatsimut politikianut kiisalu inissianut piumaneqartunut naapertuuttusoq. Siunnersuummi pineqarluni illoqarfimmik inerisaaneq tamatigoortunik pitsaasunillu najugassaqaarnissamut periarfissiisooq, nunallu ilusaa aallaavigineqartoq aamma illoqarfiup immikkoortuani sukisaarsarfissaqartitsisooq. Sanaartukkat qanoq ittuuneri inissisimanerilu pissutaallutik najugaqarfigiuminartuutitseqataassapput. Sanaartukkanut nutaanut seqinermik nuineqartarnissaa isikkiveqarnissaalu eqqumaffigineqarput. Sanaartukkat akorngi sanaartorfioqqusaanngitsut najugaqalersussanut sukisaarsarfissatut periarfissaqartitsissapput, peqatigitillugulu sumiiffimmi nunataani allanngutsaaliueqataassalluni. Aammattaaq aqqusineeraq sumiiffiup 4A6-ip tungaanut tassannganiillu immap tungaanut aqqutissaqartitsissaaq.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussaq immi aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

Kommunimut pilersaarummut tapiliussatut siunnersuutit tullinnguuttut uku tunngavigalugit suliarineqarpoq:

- Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq (Pilersaarusiornermut inatsit).
- Pilersaarusiornermut qinnuteqarnermut atatillugu misissugassat, una naapertorlugu, Pilersaarusiorneq aamma nunaminertat atorneqartarneri pillugit Inatsisartut inatsisaata allanngortinneqarneranik Inatsisartut inatsisaat nr. 34, 9. december 2015 (Nuna tamakkerlugu pilersaarusiornermut nalunaarussiaq, nunaminertanik inniminniisarneq, atuisinnaanermut killigititamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pilersaarusiornermut- nunaminertamillu atuisinnaanermut atatillugu naammagittaalliortarfiup allallu atorunnaarsinneqarnissaat.
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarut pillugu siunnersuut sap. ak. arfineq pingasuni tamanut tusarniaassutigineqassaaq, piffissami xx.xx.2017 – xx.xx.2017.

Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu aamma Aningaasaqarnermut Inuussutissarsiornermullu Ataatsimiititani kiisalu Kommunalbestyrelsimi inaarutaasumik akuerineqartussanngorlugu taakkununnga nassiunneqassaaq.

Inaarutaasumik pilersaarut tamanit pissarsiarineqarsinnaalissaaq ilaatigut kommunip nittartagaanut ikkunneqarluni aammalu kommunimut pilersaarut pillugu nittartakkamut www.sermersooq2028.gl

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup suliassamik saqqummiussami matuma siuliini taaneqartut innersuussutigai, oqaatigalugulu Kommuniq periusissiaani angorusunneqartunut naapertuulluartsuq.

Innuttaasunik peqataatsineq/attaveqaqatigiinneq

Kommunimut pilersaarummut tapiliussa q sapaatit-akunnerini arfineq pingasuni tamanut tusarniaassutigineqassaaq, tamannalu najukkami nalunaarutigineqarlunilu kommunip tusarniaanermut qppersagaatigut allagarsiissutigineqassaaq.

Oqaaseqaatigineqartut allat

Soqanngilaq.

Ilanngussaq

1) Kommunimut pilersaarummut tapiliussatut siunnersuut 4A8-1, Ningitsivik, Qinnngorput

Punkt 05C: Kommunitut pilersaarummut tapiliusseq 3A6-1, Qasigiannuit, Nuuk

Beslutning

Inassuteqaatit akuerineqarput.

Bilag

3A6-1 forslag_kal.pdf

Bilag 1_kal.docx

Bilag 2 kal.pdf

Kommunimut pilersaarummut tapiliusseq 3A6-1, Qasigiannuit, Nuuk

Aalajangiiffigisassaq

J.nr.: 06.03

Ingerlatsivik– Pisortaq Mike Jakob Kristiansen/MJKR

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3A6-1, Qasigiannuit Nuuk, akuersissutigisassanngorlugu matumuuna saqqummiunneqarpoq.

Kommunimut pilersaarummut tapiliussatut siunnersuut pilersaarutitut siunnersuut *Akornanni – inissiat 90-it* tunuliaqutaralugu suliaavoq, taanna kommunalbestyrelsimit akuersissutigineqartooq ulloq 04/10 2016, pilersaarusernermut inatsimmik allanngiineq ulloq 01/01-2016 naapertorlugu. Piffissami 6. marsimiit 8. maaji 2017 tamanut tusarniutigineqarpoq, tusarniummullu akissutit marluk piffissaliussap iluani tiguneqarput.

Kommunimut pilersaarummut tapiliusseq inissianik nutaanik assigiinngitsunik angissusilinnik assigiinngitsunillu pigineqartunik 90 miss. sanaartortoqarnissaanut sumiiffimmilu meeqqanut ukioqatigiinngiaanunut meeqqerivilionnissamat periarfissiivoq, sumiiffik ullumikkut taaneqartarpoq Qasigiannuit.

Inassuteqaat

Sanarfinermut Avatangiisinullu Ingerlatsivimmit makku Sanarfinermut Avatangiisinullu Ataatsimiititamut inassuteqaatigineqarput:

- Sanarfinermut Avatangiisinullu Ataatsimiititap Kommunimut pilersaarummut tapiliusseq 3A6-1, Qasigiannuit, Nuuk, akuerisassaga.
- Kommunimut pilersaarummut tapiliusseq Sanarfinermut Avatangiisinullu Ataatsimiititamit akuersissutigisaaq, Aningaasaqarnermut Inuussutissarsiornermullu Ataatsimiititamut akuerisassanngorlugu ingerlatinneqassasoq,
- tamatuma kingorna kommunimut pilersaarummut tapiliusseq akuerisaaq Kommunilbestyrelsimit inaarutaasumik akuerisassanngorlugu Aningaasaqarnermut Inuussutissarsiornermullu Ataatsimiititamit ingerlateqqinneqassasoq.

Suliassamik saqqummiussineq

Kommunimut pilersaarummut tapiliusseq 3A6-1, Qasigiannuit, Nuuk inaarutaasumik akuersissutigineqartussanngorlugu Sanarfinermut Avatangiisinullu Ingerlatsivimmit matumuuna saqqummiunneqarpoq.

Kommunalbestyrelsip ulloq 4. oktobari 2016 aalajangiuppaa Akornanni inissianik 90-inik sanaartortoqarnissaanik pilersaarut akuersissutigineqassasoq, sanaartornermut inatsit nutaaq aallaavigalugu, taamaaliornikkullu periarfissiilluni ukiuni marlunni nunaminertaq inniminnerneqarsinnaasoq, piffissami tassani nunaminertaq pillugu kommunimut pilersaarummik suliaqartoqassammat. Kommunimut pilersaarummut tapiliusseq kommunalbestyrelsip akuersissutigeriigaa pilersaarut tunuliaqutaralugu suliaavoq, maannalu sap.ak. 8-ni piffissami 6. marsimiit 8. maajimut 2017 tamanut tusarniutigineqareerluni. Tamanut tusarniaasoqarnerani tusarniummut akissutit marluk piffissaliussap iluani tiguneqarput (Ilanngusseq 2). Ingerlatsiviup suliamik suliaqarnera Ilanngusseq 1-imi atuarneqarsinnaavoq, kisiannili kommunimut pilersaarummut tapiliussamat allannguinissamat pissutissiinngilaq.

Kommunimut pilersaarummut tapiliussatut siunnersuut aallaavigalugu inissiat 90-it missaanniittut assigiinngitsunik angissusillit assigiinngitsuniillu pigineqartut pilersinneqarsinnaapput. Sumiiffiup kujasinnerusortaani mikinerumaartunik inissialiortoqassaaq, pingaarnertut ilinniartunut ilaqutariinnullu isertitakinnerusunut naatsorsuussaassallutik, sumiiffiullu avannarpasissortaani inissiat anginerumaartut ilaqutariinnit ataatsinit marlunnillu najugarineqartussat sanaartorneqassapput. Immikkoortortat marluk akornanni piginneqatigiilluni inissiat sanaartorneqassapput. Piginnittut assigiinngitsut ineqartut assigiinngiaarnerannut ilapittuutaanissaat naatsorsuutigineqarpoq, tamanna ingerlatsivimmit pitsaasutut nalilerneqarpoq kommunimillu ineriartortitseqqinnissamut pilersaarummut naapertuulluni.

Aammattaaq sumiiffimmi ukioqatigiinngiaanut meeqqeriviliornissaq periarfissaassaaq, inissiaqarfillu akorngat aqqusineeqqamik ataatsimut sukisaarsaarfiusinnaasumillu ataatsimoortinneqartutut issaaq, ilaatigut skateparkeqassalluni.

Siunnersuummik suliaqarnermi illut pioreersut isikkiveqaannarnissaat pingaartinneqarpoq, aamma illut sanaartugassatut pilersaarutaasussat annerpaamik 2,5-inik quleriussapput, assigiinngisitaartunik angissuseqarlutik quleriiaanit, uigulukuttunut taamatullu illunut ilaqutariinnit ataatsinit marlunnillu najugaqarineqartussatut.

Ineqarfissatut sanaartugassat naapeqatigiiffiusinnaasumik akunneqartillugit suliarineqassapput, nunalu eqqaaniittoq tикиneqariaannaassalluni. Tamanna kommunip illuliortaatsimut politikcianut nutaamut naapertuuppoq.

Aaqqiissutissatut siunnersuut – suliatigut naliliineq

Inissiaqarfittut nutaatut Sanarfinermut Avatangiisinullu Ingerlatsivimmit suli isumaqartoqarpoq, assigiinngisitaartumik sanaartukkat assigiinngitsuniillu pigineqartut taamatullu assigiinngitsunik angissusillit inissiaqarfimmik pitsaasumik pilersitsinermut tunngaviussasut. Ilanngullugu suliniutip pitsaaqutissaatut nalilerneqarpoq tamaani nunaminertat sukisaarsartarfiit ilanngunneqarsimanerat, soorlu pisuinnaat aqputaat taamatullu skatertarfissaq puttasunullu ikaartarfissaq. Sanarfinermut Avatangiisinullu Ingerlatsivimmit naliliisoqarpoq nunaminertamik ilusiliinissaq kommunip sanaartukkat ilusissaattut politikcianut nutaamut naapertuuttoq, aamma sanaartukkat qaninnerunissaannut siunnerfimmu aqputaassasoq pingaarutilik. Sanaartukkat qaninnerunissaat illoqarfimmi sanaartugaareersunut ilungersunartortaqaarnissaa naatsorsuutigineqarpoq, pingaartumik sanaartorfissamut ungasinngitsumi aqqusineq kaajallariap eqqaaniittunut aamma Sanarfinermut Avatangiisinullu Ingerlatsivimmit naliliisoqarpoq, illoqarfiup allineqarneranut atatillugu aqqusinermi angallannermut pilersaarummi nutaamik eqqarsaatersortoqaarnissaa.

Aningaasaqarnikkut sulisoqarnikkullu naliliinerit

-

Inatsisitigut tunngavissaq allakkallu tunngaviusumik uppernarsaatitalit

Kommunimut pilersaarummut tapiliussatut siunnersuut tullinnguuttut uku tunngavigalugit suliarineqarpoq:

- Pilersaarusionerq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq (Pilersaarusionerimut inatsit).
- Kommunimut pilersaarut digitaliusoq www.sermersooq2024.gl

Ingerlariaqqinnissaq

Kommunimut pilersaarummut tapiliussaqaq Sanarfinermut Avatangiisinullu Ataatsimiititami akuersissutigineqareerpat Aningaasaqarnerimut Inuusutissarsionermullu Ataatsimiititamut kingornalu Kommunalbestyrelsimut akuersissutigisassanngorlugu ingerlateqqinneqassasoq.

Inaarutaasumik pilersaarut kikkunnit tamanit takuneqarsinnaassaaq, ilaatigut kommunip nittartagaani

www.sermersooq.gl

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit suliassamut saqqummiussaq inassutigineqarpoq, oqaaseqaatigalugulu Nuummi illoqarfittut ineriartortitsinermit naleqquttuusooq kiisalu meeqqeriviliornissamut pilersaarut iluaqutitaqassasoq.

Innuttaasunik peqataatitsineq/attaveqaqatigiinneq

Pilersaarut pillugu siunnersuummik akuersinermit atatillugu ulloq 27. oktobari 2016 Katuap Inersuaaraani innuttaasunik ataatsimiititsisoqarpoq, suleqatigiissitanik/soqutigisaqaqatigiinnik pilersitsisoqarluni nunaminertamut aqquserngup inissisimaffissaata suliarineqarneranut tusarniaaffigineqarsimasunik.

Kommunimut pilersaarummut tapiliussatut siunnersuut sap.ak. 8-ni tamanut tusarniutigineqarnerani tusarniummut akissuteqaatit marluk tiguneqarput.

Oqaaseqaatigineqartut allat

Soqanngilaq

Ilanngussat

1. Tusarniaanermut akissutit ingerlatsivimmit suliarineqarnerat.
2. Tusarniaanermi akissutit
3. Kommunimut pilersaarummut tapiliussaq 3A6-1, Qasigianguit, Nuuk

Punkt 05D: VISKA, horses & rooms

Beslutning

Inassuteqaatit akuerineqarput.

Bilag

Bilag 1.pdf

Bilag 2.pdf

Bilag 3.pdf

Bilag 4.pdf

VISKA, horses & rooms

Nuummi hiistertarfik - pilersaarusiamik qinnuteqarneq – inaarutaasumik aalajangiineq

Aalajangiiffigisassaq

J.nr.:1804

Ingerlatsivik– Pisortaq Mike Jakob Kristiansen, mjkr

Suliassamik eqikkaaneq

Pilersaarut *VISKA, horses & rooms* pilersaarusiornermut inatsit naapertorlugu sap.ak. arfineq pingasuni tamanut tusarniutigineqareerluni inaarutaasumik akuersissutigineqartussanngorlugu matumuuna saqqummiunneqarpoq. Tusarniummut akissutininik tigusaqartoqanngilaq, ingerlatsiviullu taamaammat nalilerpaa, pilersaarummi ingerlariaqqinnissaq sioqqullugu nutaamik nalilersuinissaq pisariaqanngitsoq.

Ingerlatsiviulli taamaattoq innersuussutigalugu, pilersaarummik piginnittut taakkulu siunnersortaat ingerlariaqqinnermi Pinngortitaleriffimmut, Pinngortitamut Naalackersuisoqarfimmut illoqarfimmilu uumasut nakorsaannut attaveqassasut, siunnersuutissaqarnerisut akerliliissutissaqarnerisulluunniit paasiniarlugu.

Pilersaarusiornermut inatsit nutaaq naapertorlugu, soqutiginnittut ukiut marluk tikillugit nunaminertamik inniminniinissamut periarfissiisoq, pilersaarusiaq nassiunneqarpoq, pilersaarusiaq politikikkut akuerisaq tunngavigineqarluni. Soqutiginnittut ukiuni marlunni Sanarfinermut Avatangiisinullu Ingerlatsivik qanimut suleqatigalugu kommunimut pilersaarusiamik suliaqassapput. Tamatuma kingorna sanaartorfissagissaanermut, sanaartornermut sanaartugassanullu allanut tunngasut soqutigisaqaaqatigiinnit aningaasaliivigineqassapput.

Pilersaarut kommunimut pilersaarummi pingaarnertut aalajangersakkanut, sukisaarsarfittut siunertaqartunut, kiisalu illoqarfiit pingaarnersaat pillugu periaasissami takornariaqarnermut inuussutissarsiornerup aallunneqarnissaanut tunngasunut naapertuuppoq.

Inassuteqaatit

Sanarfinermut Avatangiisinullu Ingerlatsivimmit uku Sanarfinermut Avatangiisinullu Ataatsimiititamut inassuteqaatigineqarput:

- pilersaarut suliamullu tunngatillugu ingerlariaqqinnissaq inaarutaasumik akuerineqassasut
- pilersaarutip akuerineqartup suliaqqinnineqarnissaanut Aningaasaqarnermut Inuussutissarsiornermullu Ataatsimiititamut kingornalu Kommunalbestyrelsimut akuerisassatut ingerlatseqqinneqassasooq

Suliassamik saqqummiussineq

Kommunalbestyrelsip januaarip 31-anni ataatsimiinnermini aalajangerpaa, pilersaarut *VISKA horses & rooms* sap.ak. arfineq pingasuni piffissami marsip arfernganiit maajip aallaqqaataanut 2017 tamanut tusarniutigineqassasooq, tusarniummullu akissutininik tigusaqartoqanngilaq.

Illuaqqat sisamat initallit, café, garage, nersutaasivik aamma hiistertarfik pilersaarutaapput. Immikkoortumut Qarsumi nerngallaap eqqaaniit aqqusineqassaaq, sanaartugarlu tamat innaallagissamut imermullu aqqaataannut aamma kuuffissuarnut attavilerneqassaaq. Pilersaarummittaaq aasaanerani ivigartortitsisarnissamut, aasaanerani ungaluusanut nuunneqarsinnaasunut ukiorlu tamaat atornerqarsinnaasunut nunaminertamut ilaatinneqarput. Ilanngussaq 1 innersuussutigalugu.

Takornariaqarnermut suliniuteqarnissaq, hiistertarfimmik immikkut ittumik ingerlatsiffiusumik, sunngiffimmi hiistertarfimmik, unnuinertalimmik hiistertarfimmik aamma hiistertarfiup nersutaasiviani allanik sammisassaqtitsiniutinik ingerlatsisarnissaq isumaavoq. Periarfissarpassuupput. Pilersaarusiortut hiistit arfineq marluk aallarniutigissamaarpat, siulliillu sungiusseriarpata amerlanernik tikisitsissallutik. Nersutaasivik pilersaarutaasooq hiistinut 28-nut inissaqarsinnaavoq.

Pilersaarusiortut aqputini assigiingjiaartuni hiistertitsisarnissat ingerlanniarlugit takorloorpaat. Qallussuaq saneqqullugu aqputeqarsinnaavoq, tamanna Nukissiorfiit suleqatigalugu ataqatigiissarneqassaaq. Aqputip aappaa parnaarussiviup eqqaatiguussaaq Kuanninnguit tungaannut ingerlaqqittoqarsinnaalluni. Aqputit pingajuat Ukkusissat kujataatigut uiarlugu Kangerluarsunnguamut illumukartoqarsinnaavoq, tamannali Siorarsiorfiup tungaanut aqputeqalerpat pisinnaassaaq.

Aaqqiissutissatut siunnersuut – suliatigut naliliineq

Pilersaarusiaq immikkoortut ilaanni 4D4-mi aamma 4D5-imi inissisimavoq. Immikkoortut ilaasa taakku marluk assigiissutigaaq tamarmik sanaartorfioqqusaanngitsutut annertuunillu sukisaarsaartitsinermut atortulersuutitut atortussatut immikkoortitaammata. Illut 4D5-imut inissinneqassapput, hiistillu aasami ivigartortarfii immikkoortup ilaa 4D4-miissapput. Immikkoortup ilaanut 4D5-imi kommunimut pilersaarummi allassimavoq, immikkoortoq sanaartorfiussanngitsoq, pilersaarut akuerineqassappat tamanna atorunnaarsinneqassaaq. Immikkoortup ilaa 4D4 iliveqarfimmut atortussaannullu atorineqartussanngorlugi aalajangersarneqarnikuvoq. Tamanna piviusunngortippat/piviusunngortinneqassappalluunniit pilersinneqarsinnaasoraarput, tassa immikkoortoq ima angitigaaq allaat aasami ivigartortarfimmut inissaqarlunilu siunissami iliveqarfeqalernissaanut, tassungalu atortussaanut, atorineqarsinnaassalluni.

Illuliortaaseq

Sanaartukkami illuaqqat qaqqap killingani pitsaasumik inissisimassapput, nersutaasiviillu annerit qaqqami, qaqqajunnat marluk qaartillugit, sanaartorneqassapput. Illut qernertumik usserummik qallerneqassapput, aneerasaartarfiiit suliarineqarsimanngitsunik qisuttaqassapput, sanaartornerlu nunaminertamut maniitsumut kusanartumik tulluarsarneqassaaq. Sanaartornerup annertussusaa pitsaasuvoq immikkoortumullu takujuminaallisitsisuunani akerlianik takujuminarsaataassaaq.

Aningaasaqarnikkut sulisoqarnikkullu naliliinerit

Pilersaarusiaq politikikkut inaarutaasumik akuersissutigineqassappat soqutiginnittullu uppersarsinnaappagu, piginneqatigiiffiup aningaasaateqarfigisaminit oqaaseqaateqartinertigut, pilersaarusiaq piginneqatigiiffimmit aningaasatigut nammaneqarsinnaasooq, nunaminertamik atuinissaa ukiuni marlunni atuuttussanngorlugi tunniussisoqarsinnaavoq. Piffissami tamatumani immikkoortoq pillugu nammineq kommunimut pilersaarummut tapiliussamik suliaqassaaq.

Tamatuma saniatigut Sanarfinermut Avatangiisinullu Ingerlatsivik arlaatigut uppersarsaatinik takussutissanik imaluunniit attuumassuteqartumit naalackersuisoqarfimmit imaluunniit uumasut nakorsaanit, hestit aalajangersimasumik amerlassusillit eqqunneqarnissaannut siumoortumik akuersissummik piumasaqassaaq.

Inatsisitigut tunngavissaq allakkallu tunngaviumik uppersarsaatitallit

Pilersaarusiorteq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq
Inatsisartut inatsisaat nr. 34, 9. decembari 2015-imeersoq

Ingerlariaqqinnissaq

”VISKAR horses and rooms”-ip ingerlariaqqinnissaa imaassaaq:

1. Kingornalu soqutiginnittumut nunaminertamut akuersissut ukiuni marlunni atuuttussaq tunniunneqassaaq, soqutiginnittorlu nammineq immikkoortumut sukumiisumik aalajangersagartallimmik kommunimut pilersaarummut tapiliussassatut siunnersuusiusaaq. Pilersaarutip annertussusaa tunngavigalugu avatangiisinut naliliisoqassappat, assersuutigalugu VVM-imik naliliisoqartariaqarpat, pilersaarummik piginnittup nammineerluni suliarissavaa aningaasaliiffigalugulu. MALUGIUK. Kommunimut pilersaarummut tapiliussassamut killiliussat suli immikkoortoq D-unissaa pingaruteqarpoq, taamaalluni sanaartorfiumnginnissaa kiisalu sukisaarsaartitsinermut suliniutinut atortussaataitanera attatiinnarneqassamat.
2. Kommunimut pilersaarummut tapiliussaq naammassippat soqutiginnittoq immikkoortumut atuisinnaatitaallissaaq sanaartornerlu aallartissinnaanngorluni.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allanik oqaaseqaatissaqartoqanngilaq, pitsaasutullu isigalugu takornariaqarnermut kiisalu innuttaasunut sunngiffimmi neqeroorutitut nutaanik iliuuseqartoqalenera.

Innuttaasunik peqataatitsineq/attaveqaqatigiinneq

Ingerlatsivik apriliip 19-ianni pilersaarut pillugu Katuami Ikinngutigijt Inaanni paasissutissiivoq. Tassani Illoqarfimmik Inerisaavik pilersaarummik suliaqarneq pillugu saqqummiussivoq, kingornalu pilersaarummik piginnittut pilersaarut pillugu paasissutissiillutik kingullertullu illussanik titartaasartoq illussanik ilusiliinermi sumiiffimmillu atuinermut tunngasumik nassuiaateqarpoq.

Ingerlatsivinnit allanit oqaaseqaatit

Soqanngilaq

Ilanngussat

1. Ilanngussat ilanngullugit pilersaarummut qinnuteqaat
2. Qinuuteqaatip ilanngussartai
3. Inatsisartut inatsisaat nr. 34 9. decembari 2015-imeersoq
4. Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq.

Punkt 05E: Kommunip inissiaataanik attartortittakkanik tuniniaaneq

Beslutning

Inassuteqaatit akuerineqarput.

Kommunip inissiaataanik attartortittakkanik tuniniaaneq

Aalajangiiffigisassaq

J.nr.: 33.03

Sanarfinermut Avatangiisinullu Ingerlatsivik – pisortaq Miké Jakob Kristiansen / MJKR

Suliassamik eqikkaaneq

Nuummi pisortat iniutaanik attartortittakkanik amigaateqarneq pissutigalugu Kommunalbestyrelsip ataatsimiinnerani juunip 16-anni 2009 inissianik attartortumiit piginnittumut aaqqiissut atorlugu tunisineq killilersorneqarnissaa aalajangiunneqarpoq. Kommunimi sumiiffinniit allaniit saaffiginnissutit tunngavigalugit kommunip sinnerani kommunip iniutaanik attartortittakkanik tuniniaasarnermut politikkimik aalajangersaanissaq pisariaqartinneqarpoq.

Aningaasaqarnermut Ataatsimiititap ulloq 25. juuni 2010 Nuummut tunngatillugu aalajangerneq kommunimut tamarmut ukiuni marlunni atuuttussanngortillugu aalajangerpaa. Aalajangerneq tamanna sivitsorniarlugu Kommunalbestyrelse ulloq 21. agusti 2012 aalajangerpoq.

Aalajangerneq tamanna ukiunik marlunnik sivitsoqqinniarlugu Aningaasaqarnermut Ataatsimiititap ulloq 16. oktobari 2014 aalajangerpoq. Tamanut inissiat attartortittakkat suli amigaataammata aalajangernerup sivitsorneqaqqinnissaa anguniarneqarpoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommuneqarfik Sermersuumi inissianut atatillugu aalajangerneq sivitsorneqassasoq, taamaalilluni kommune tunngaviusumik illoqarfinni nunaqarfinnilu tamanut inissianik attartortittakkanik amigaateqarfiusuni kommunip inissiaataanik attartortittakkanik tuniniaasassanngitsoq
- Aningaasaqarnermut Inuussutissaqarnermullu Ataatsimiititap, immikkut pissutissaqartoqarpat, soorlu ilaqtariinnut ataatsinut aamma marlunnut illut annertuumik iluarsartuussassaagaangata imaluunniit illoqarfinni nunaqarfinniluunniit inissiat tamanut attartortittakkat sinneqaraangata, inissianik tuniniaanissamut aalajangiisinnaassasoq
- Aningaasaqarnermut Inuussutissaqarnermullu Ataatsimiititamit, illuni inissiat ilaannaanik kommune piginnittuutillugu, inissianik tuniniaanissaq akuersissutigineqarsinnaassasoq
- Ilaqtariinnut ataatsinut imaluunniit ilaqtariinnut marlunnut illunik imaluunniit illuni inissiat ilaannaanik kommune pigisaani attartortut inissiaminnik piginnittunngorsinnaanerannik Sanarfinermut Avatangiisinullu Ingerlatsivik misissueqqullugu qinnuigineqassasoq

Suliassamik saqqummiussineq Nuummi pisortat iniutaanik attartortittakkanik amigaateqarneq pissutigalugu Kommunalbestyrelsip ataatsimiinnerani juunip 16-anni 2009 inissianik attartortumiit piginnittumut aaqqiissut atorlugu tunisineq killilersorneqarnissaa aalajangiunneqarpoq.

Tamatuma saniatigut kommune inissianik, illup ilaanik tunisisoqareertillugu, tuniniaasarnini ingerlatiinnassagaa aalajangerneqarpoq aamma ilaqtariinnut ataatsinut aamma marlunnut illut qimanneqarnerannut atatillugu illut nutaanngitsut attartorteqqinnagit tuniarneqarnissaat naleqquttuunersoq nalilersorneqartarnissaat aalajangerneqarpoq.

Nuummi inissiat tunngavigalugit taama aalajangiisoqarpoq kommunimilu sumiiffinni allani inissianik pisinissamut saaffiginnissutit tunngavigalugit kommunip sinneranut kommunip inissiaataanik attartortittakkanut tunngasumik politikkiortoqarnissaaq pisariaqartinneqarpoq.

Aningaasaqarnermut Ataatsimiititami, ulloq 25. juuni 2010 ataatsimiinnermi, Nuummi inissianut tunngatillugu aalajangerneq 1. juuli 2012 tikillugu ukiuni marlunni atuuttusaq kommunimut tamarmut atuutilersinneqarnissaa aalajangerneqarpoq, taamaalilluni kommune tunngaviumik illoqarfinni nunaqarfinnilu kommunip inissiaataanik attartortittakkanik amigaateqartoqartillugu tuniniaasassanngilaq aatsaallu immikkut pissutissaqartoqaraangat, soorlu ilaqtariinnut ataatsinut marlunnullu illut annertuumik iluarsagassaattillugit imaluunniit illoqarfinni nunaqarfinniluunniit inissianik tamanut attartortittakkanik sinneqartoqaraangat, illut aatsaat tuniniarneqartassapput. Ulloq 21. agusti 2012 kommunalbestyrelsip ataatsimiinnerani aalajangerneqarpoq, Kommuneqarfik Sermersuumi inissiat pillugit aalajangerneq sivitsorneqassasoq, taamaalilluni kommune tunngaviumik illoqarfinni nunaqarfinnilu inissiat tamanut attartortittakkat amigaateqartoqartillugu, illunik tuniniaasassanngitsoq, Aningaasaqarnermut Ataatsimiititaq immikkut pissutissaqartoqartillugu, soorlu ilaqtariinnut ataatsinut marlunnullu illut annertuumik iluarsagassaattillugit imaluunniit illoqarfinni nunaqarfinniluunniit inissianik tamanut attartortittakkanik sinneqartoqaraangat, illunik tuniniaanissaq aalajangersinnaagaa, kommune illuni inissiat ilaannik piginnittuutillugu inissianik tuniniaasannaaneq Aningaasaqarnermut Ataatsimiititami akuersissutigineqarsinnaasoq, Nuummi ilaqtariinnut ataatsinut imaluunniit marlunnut illunik attartortut inissiaminnik piginnittuulersinnaanersut Sanarfinermut Avatangiisinullu Ingerlatsivik misissuissasoq.

Aaqqiissutissatut siunnersuutit

Ulloq 21. agusti 2012-imi kommunip sinnerani illunik tuniniaanissamut tunngaviumik aalajangerneq, Nuummi inissiat pilugit ulloq 16. juuni 2009-mi Kommunalbestyrelsip aalajangerneranut assingusoq, 2016-imi juulip aallaqqaataata tungaanut ukiunik marlunnik sivitsorneqassasoq ingerlatsivimmit inassutigineqarpoq. Tassa imaappoq, kommune tunngaviumik illoqarfinni nunaqarfinnilu inissianik tamanut attartortittakkanik amigaateqarfiusuni, kommunip inissiaataanik attartortittakkanik tuniniaasassanngitsoq. Immikkulli pissutsit tunngavigalugit, soorlu ilaqtariinnut ataatsinut marlunnullu illut annertuumik iluarsartuuttariaqaraangata imaluunniit illoqarfimmi nunaqarfimmiluunniit inissiat tamanut attartortittakkat sinneqaraangata, inissiat tuniniarneqartassapput.

Aningaasaqarnikkut sulisoqarnikkullu naliliinerit

Aalajangerneq kommunip missingersuutaanut sunniuteqassanngilaq.

Inatsisitigut tunngavissaq allakkallu tunngaviumik uppernarsaatitallit

Soqanngilaq.

Ingerlariaqqinnissaq

Aningaasaqarnermut Ataatsimiititap aalajangernera piviusunngortinneqassaaq.

Aningaasaqarnermut Allatseqarfimmit oqaaseqaatit

Tunngaviumik aalajangiisoqarnissaanut inassuteqaammut Aningaasaqarnermut Allatseqarfik oqaaseqaatissaqanngilaq. Naatsorsuutigineqarlunili, inissianik tuniniaasoaqassatillugu aningaasaliissutit pisariaqartinneqartut qulakkeerneqassasut.

Siusinnerusukkat aalajangerneq

Sanarfinermut Avatangiisinullu Ataatsimiititap aalajangiinera 23. septembari 2014: Ingerlatsivimmit inassuteqaatit akuerineqarput.

Ilanngussaq

1. Ulloq 21. agusti 2012-imi Kommunalbestyrelsip ataatsimiinneranit suliap allaaserineqarnera.

Punkt 6: Taasariaqartut allat

Beslutning

- Biilit ingerlasinnaanermut uppersaataajagaasimasut qimaannakkat pillugit apeqquteqartoqarpoq, taakkunani piginnittunit illoqarfiup iluani nuuttaqattaarneqartarneri eqqaaneqarluni . Ingerlatsiviup ajornartorsiut ilisimaneqartoq nalunaarutigaa.
- Tasiilami arsaattarfik ivigaaraasaligaq pillugu apeqquteqaateqartoqarpoq. Apeqquteqaateqartoqartoq ingerlatsivimmut allagaqaqquneqarpoq.
- Nunaminertanik atukkiiniarnermut qinnuteqaatinik sullissinerup arriinnera tikkuartorneqarpoq.
- Politeeqarfiup eqqaani biilit unittarfiup kikkut atugassarineraat apeqqutigineqarpoq. Ingerlatsiviup misissussallugu nalunaarutigaa.
- Tasiilami meeqqeriviup illutaa qanoq pilersaaruteqarfigineqarnera apeqquteqarfigineqarpoq. Ingerlatsivimmut allakkatigut saaffiginninnissaq innersuutigineqarpoq.

Punkt 7: Suliat matoqqasut

Punkt 07A: Lukket

Punkt 07B: Lukket

Punkt 07C: Lukket

Punkt 07D: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 13.15